

sas, la tensión continua que nos invade, la huida de la ciudad buscando la augusta paz del campo, la falta de diálogo y comprensión y otras lacras del momento que no hacen la vida grata, entre el tumultuoso oleaje del vivir, hay una corriente sosegada y serena donde anida la fecunda labor del pensamiento que nos hace exclamar: Volvamos los ojos con amor a aquellos serenos tiempos de la antigua sabiduría cantados por Lucrecio.

EDITA DOCTRINA SAPIENTUM TEMPLA SERENA.

EXTREMEÑO CACEREÑO

«Alcántara» es tu revista. Ningún pueblo, región o país puede elevarse en sentido alguno si desatiende sus problemas culturales. No hay progreso compatible con la ignorancia o el desdén hacia las cosas del espíritu.

«Alcántara» nació con estas miras y hoy quiere acentuarlas más que nunca. Suscríbete a esta revista que es la tuya, propágala entre tus amistades y defiéndela si te encuentras en otras comarcas o naciones, lejos del solar natal.

Hablando con mi patrona

(EXTREMEÑA)

Poesía galardonada con el accésit al Premio de Poesía, "GUADALUPE", 1976.

¡Ay, Virgin de Guadalupi!
 Hoy vengu a velti de nuevu,
 pa hablal contigo y contalti
 to lo que estoy padeciendu
 al vel que, a mi Extremadura,
 no le encuentrin un remediu
 a estu de la emigración
 y a otras cosas que no mientu;
 pero hoy, me vengu a tus plantas,
 cuasi llorandu y gimien du,
 sin podelmi ya callal
 pa dicilti lo que sientu.
 Verás: Me voy los veranus
 el mes de Juliu, a mi pueblu
 y vengu cuasi llorandu
 al vel to lo que estoy viendu.
 Veu muchas casas cerrás
 y otras que se están cayendu,
 pol mo de que los paisanus
 jaci tiempu que se juerun.
 Pregunté pol tiu «Colás»
 y todus me respondieron
 que, pa podel defendelsi,
 se marchó pal extranjeru.
 Pregunté pol «El Morcilla»,
 el nuestru tamborileru,

y dijeron que, a Avilés,
 se había iu a sel mineru.
 Otrus que, pa Zaragoza,
 otrus, que a Francia lo menus,
 sin contal los de Alemania;
 porque a esta nación, se juerun,
 según me diju el Alcaldi,
 quiciás cerca de doscientus.
 ¿Tú creis, Virgin Santísima,
 que se puedi estal contentu
 viendu a los padris sin hijus,
 a los agüelus, sin nietus
 y, sobre to a las mujeris
 viudas antis de tiempu,
 porque los probis marius,
 del nuestro pueblu se juerun?
 Te lo digu de verdá
 que de allí, vengu mu negru
 y con ganas de lloral
 porque esti asuntu es mu seriu,
 ya que mi pueblu paeci
 lo mesmu que un cimiteriu;
 porque las gentis que quean,
 se muerin de aburrimientu
 sin los sus seris querius,
 na más rumiandu recuerdus
 dándumi la sensación
 de que cuasi tos se han muertu.
 Es verdá que, cuandu vienin
 a las fiestas de los pueblus,
 llegan mu fanfarroninus
 porque train mucho dineru
 y jacin pol divertilsí
 dijénduli al taberneru:
 «Tiu Julián: Mos dé unus güisquis
 y mos prepari un borregu,
 que la cartera está llena
 y hay que darli el «vapuleu»,
 Yo al verlus asín, me gusta
 y me pongu mu contentu;

pero, cuandu a los mis probis,
 se les va acabandu el tiempu
 que les dan de vacaciones,
 se empiezan a ponel serius;
 porque es que, la «patria chica»,
 es algu que va mu adrentu
 ya que, queramus o no,
 está llena de recuerdus
 y de costumbris toas sanas
 que hasta se mos van perdiendu!
 Yo digu, Virgin Santísima,
 que ¿por qué el nuestro Gobiernu
 no inventa pai alguna cosa,
 pa que tos los extremeños
 güelvan a sus «patrias chicas»,
 acabándusi to estu?
 Podrían jacel más pantanus
 o industrias que no tenemus.
 Aunque esurde los pantanus
 me güeli a quemau, por ciertu;
 porque, algunos aseguran
 que, aunque el Segura está lejus,
 mos quearian los murcianus
 el pantanu mediu secu,
 y, aunque al Taju llaman «padri»,
 no llegaría a sel ni «nietu»!
 Y tiene gracia la cosa
 que, lo pocu que tenemus,
 vengán otrus y mos llevin
 estu que es nuestro y mu nuestro!
 Un día, porque le hablé
 a un señol, de estus jaleus,
 se pusu comu una fiera
 y por pocu las tenemus!
 Diju que éramus hermanus
 los murcianus y extremeños
 y que el nuestro agua, había
 que dálsila toa pa ellus.
 Yo le diji: «Miri usté:
 ¿No sabi lo que yo piensu?

Que esa palabra de «hermanus»,
 es mu bonita, recuernus!
 pero de hermanus, ni hablal!
 El «primu», sí que jacemus
 si le mandamus toa el agua
 y mos queams en secu!»
 Además, le contesté
 altu, tendiu y bien reciu:
 «Los nuestrus conquistaoris
 y hombris de grandis talentus
 que tuvu mi Extremadura»,
 bastanti es lo que jicierun;
 que le dierun a toa España
 y tamién al mundu enteru,
 pasándolas bien canutas,
 na menus que to un Imperiu
 y ahora, mos van a jacel
 comu esi dichu extremeñu:
 «Tras de cornú, apaleau».

Usté es un mal cacereñu!»
 No sabis, mi morenita,
 cómo se pusu el mostrencu!
 Yo, pol retenel el agua
 y él, pol llevarla bien lejus,
 armamus un «Dos de Mayu»,
 que hasta en Murcia mos oyerun.
 Yo, debiera de callalmi,
 porque algún día, estoy viendu
 que en algún fregau me metin
 si a Extremadura defiendu,
 pues, cuando hablan mal de ella
 me se alborotan los nervius
 de tal forma, que paeci
 que a la mi madri ofendierun!

PETICION

Tú que, milis de milagrus
 siempri mos estás jiciendu,
 na más te voy a pedil

que mos jagas dos de ellus.
 El primeru que te pidu
 es que, inspiris al Gobiernu
 pa que inventi alguna cosa,
 a vel si poni remediu
 a estu de la emigración
 de nuestrus queridus pueblus,
 porque comu ya te he dichu,
 es un asuntu seriu.
 El segundu es pol la unión
 de todus los extremeñus,
 pa que la asquerosa envidia
 no se extienda, por lo menus
 entre nuestras dos provincias,
 ni ahiga nunca caciqueus!
 Que la unión, jaga la juerza
 y, que tos colaboremus,
 pa jucel de Extremadura
 una región de hombris güenus
 y, que pasi lo que pasi,
 todus juntos caminamus
 hacia Ti, Virgin Bendita,
 Pa recibil tus consejus
 que bien los necesitamos
 en muchisimus momentus
 y que no mos abandonis
 ni en la tierra ni el Cielu!

Juan GARCIA GARCIA